


LUSTABRIADENE

SKURIDAT



“E ora ei Hesus a
bisa nan, ‘Un poko
tempu mas e lus ta
ku boso. Kana
mientras ku boso tin
e lus, pa skuridat no
alkansá boso; esun ku
ta kana den skuridat
no sa unda é ta bai ’
”


(Juan 12:35, BS)



Un guera ta ganá òf pèrdí bataya pa bataya.

Ora ku Satanás a pèrdè e bataya di persekushon el a inventá(plania) un plan nobo: kompromiso . E meskla di bèrdat i mintiranan a lastra miones pa brasa un bèrdat adulterá i sin bida .

Nos úniko salbanguardia den e bataya aki ta pa pega(kologa) na Hesus, Kende ta e Bèrdat i e Bida, i Su Palabra Santu.



- ➔ **Bataya pa e bèrdat :**
 - ✚ E bèrdat kontra e mintira.
 - ✚ E kompromiso di e iglesia.
- ➔ **Bataya pa e Palabra di Dios:**
 - ✚ Siguridat den e Beibel.
 - ✚ Rasonamentu humano.
- ➔ **Bataya pa e mente.**

BATAYA PA E BÈRDAT

E BÈRDAT KONTRA E MINTIRA

“ Hesus a kontestá, ‘ Ami ta e kaminda i e bèrdat i e bida. Ni un hende no ta bini serka e Tata sino pa medio di Mi ’ ” (Juan 14:6)




Hesus ta e Bèrdat i pesei e tata di tur bèrdat (Juan 14:6). Tur kos berdadero, tur kos fidedigno(konfiabel), tur kos ku ta bèrdat, ta bini di djÉ. Y Su bèrdat ta produci bida den nos.

Alkontrario, Satanás ta e tata di mintiranan (Juan 8:44). Tur desepshon, tur astusia malisioso, tur bèrdat adulterá, ta bini di djé. Y nan mintiranan ta produsí morto den nos.

Den Su konfrontashonnan ku e enemigu, Hesus a huza e Beibel komo un fuente di tur bèrdat: “ Ta pará skirbí ” (Mat. 4:4; 21:13).

Pesei, e diabel a traha pa destruí e Beibel, sea dor di skond’é òf tros’é(desform’é). Y el a logra esaki (ounke no completamente) dor di e Iglesia Romano, durante di e Siglo Medio (tambe yamá e “ Siglonan Skur ”).




E TRANSIGENSA DI E IGLESIA


“ Mi sa ku despues ku mi bai, lobonan salbahe lo drenta meimei di boso i lo no spar e tou. Asta for di boso propio number hòmbènan lo lanta i trose e bèrdat pa por alehá(desviá) disipènan pa nan bai nan tras ” (Echonan 20:29-30).

Den tumando despedida di e ansianonan di Efesio, Pablo a ekspresá su preokupashon pa e problemanan eksterno i interno ku nan lo enfrentá den futuro (Echonan 20:29-30).

1. **Lobonan destruktivo** .For di e aña 64 te ku 311 (Anunsio Serdika di toleransia), e Iglesia a sufri persekushon feros for di e Imperio Romano.
2. **Hòmbènan perverso** . Kuminsando den e di 4 siglo, hòmbènan no-kombertí a wòrdu introdusí den e Iglesia kende a meskla nan paganismo ku e bèrdat.



Satanás a huza su strategia “interno” pa korumpí e bèrdat i introdusí idolatría i opservamentu di Djadumingo den e Iglesia.



E statua di e dios Romano Jupiter riba e Seru Capoline na Roma a wòrdu re-uzá i bira den un statua di San Pedro



Manera Pablo a profetisá, e erornan aki a wòrdu aseptá, i lo keda te na e fin entre esnan kende no kier konose e bèrdat (2 Tes. 2:7-12). E bataya final lo ta basá riba kompromiso ku e Sabat.

**BATAYA PA E PALABRA DI
DIOS**

SIGURIDAT DEN E BEIBEL

“ Santifiká nan dor di e bèrdat; Bo palabra ta bèrdat” (Juan 17:17)



Si nos rechasá parti di dje (por ehèmpel, e narashon di Kreashon di Genesis 1 i 2), nos lo por bin rechasá kualkier di e doktrinanan ku e ta siña. Y e ora ei ... Ki siguridat nos lo por tin pa konfia e sobrá di e Beibel?

E Beibel ta e revelashon infalibel di Dios Su boluntat. E ta presentá Shelu su plan pa humanidat su salbashon.

Pesei, nos siguridat ta wòrdu haña solamente den e Beibel, i den kada un di su bukinan, kapítulonnan i vèrsnan (2Tim.3:16).

Den dje nos ta haña e diabel su strategia; e kreashon; e nasementu, bida, morto, resurekshon i interseshon di Hesus; pordon di pikánan; e Segunda Binida; bida etèrna riba e Tera Nobo



“ Bo palabra ta un lampi pa mi pia, un lus riba mi kaminda ” (Salmo 119:105 NIV)

“E habrimentu di Bo palabranan ta iluminá; e ta duna komprendementu na e simpelnan”
(Salmo 119:130 NIV)

RASONAMENTU HUMANO

“ Tin un kaminda ku ta parse di ta bon, pero na fin e ta guia na morto ” (Proverbionan 16:25)




Si ta Dios ta Esun Kende a inspirá e Beibel, ken lo por interpret'é (2 Pedro 1:20; Juan 14:26)?

E persona sin e Spiritu no ta aseptá e kosnan ku ta bini for di e Spiritu di Dios pero ta konsidera nan lokura, i no por komprené nan pasombra nan ta wòrdu deserní solamente dor di e Spiritu (1Kor. 2:14).

Un ehèmpel di rasonamentu humano ta e krítika di mas haltu ku, desde e siglo 18, a proponé un interpretashon “akadémiko” di e Beibel.

Esaki su aserkamentu básiko ta e nengamentu di milagernan i e imposibilidat di pronostiká e futuro. Bou di aserkamentu aki, ki benefisio nos lo por deriva for di e palabra di Dios si nos nenga esaki su poder òf su abilidadat pa konose e futuro ku ta spera nos?

Sin duda, e enemigu ta derivá kamindanan ku ta parse bon, pero nan fin ta morto (Prov. 16:25).



“ Skuridat spiritual a kubri e tera i skuridat grosero(bruto) e hendenan. Tin den hopi iglesianan inkredualidat(duda) i infidelidat den e interpretashon di e Skrituranan. Hopi, masha hopi, ta interogando e veridat i e bèrdat di e Skrituranan. Rasonamentu humano i e imaginashonnan di e kurason humano ta debilitá(destruí) e inspirashon di e Palabra di Dios [...]

E Buki Santu aki a resistí e asaltonan di Satanás, kende a uni ku hendenan malbado pa hasi tur kos di karakter divino kubrí(skondé) den nubianan i skuridat. Pero Señor a preservá e Buki Santu aki dor di Su propio poder milagroso den esaki su forma presente – un mapa òf guiá pa e famia humano pa mustri nan e kaminda pa shelu.




BATAYA PA E MENTE

“ E dios di e siglo aki a siega e mentenan di inkrédulonán, pa nan no por mira e lus di e evangelio ku ta manifestá e gloria di Kristu, Kende ta e imagen di Dios ” (2 Korintionan 4:4 NIV)

Un dicho Spañó ta bisa: “ No tin un hòMBER siegu pió, ku esun kende no kier mira. ” Esei ta, ku ta inútil pa konvense un persona pa mira loke nan no kier mira. Asina ta ku esnan kende “ e dios di e mundu aki ” a siega (2Kor. 4:4).

E falta di konosementu pa parti di esnan kende ta pèrdí no ta pa motibu ku nan no tin e kapasidat pa sa. Ta pasombra nan no kier sa. E diabel a okupá nan mente ku hopi kosnan ku ta prevení(stroba) nan di pensa tokante di loke ta berdaderamente importante: nan salbashon.



Pero ningun hende no tin mester di keda(permanesé) den e kondishon aki. Ora ku e mente ta den skuridat spiritual, tin un lus ku por i lo bria(lusi) den djé: “ E lus [Hesus] ta bria den skuridat i e skuridat no a triumfá kontra di djé ” (Juan 1:5).

Esnan di nos kende ta aseptá e lus aki por deshasí di e trabou di e enemigu, i hasi e lus di Hesus bria dor di e skuridat.



“ Tur ku ta biaha e kaminda pa shelu tin mester di un guiadó sigur. Nos no mester kana den sabiduria humano. Ta nos privilegio pa skucha na e bos di Kristu papiando na nos segun ku nos ta kana e biahe di bida, i Su palabranan semper ta palabranan di sabiduria . . .

Nos úniko siguridat ta situa den sigui djaserka tras di Kristu, kanando den Su sabiduria, i praktikando Su bèrdat. Nos no por semper nota fasilmente(enseguida) e trabou di Satanás; nos no sa unda é ta pone su trampanan. Pero Hesus ta komprendé e artenan astuto di e enemigu, i E por tene nos pianan den kaminda seif(sigur).”